

**DE JOANNIS  
JACOBI  
SCARFANTONIJ  
CANONICI  
PISTORIENSIS...**

---

Alberto Maria Cecchi













DE JOANNIS 71

JACOBI 104.13

SCARFANTONIJ

CANONICI PISTORIENSIS

*DISSERTATIONE*

JUDICIUM

LELIJ HERCULIS PAULLINIJ

*SAC. THEOL. PROFESSORIS.*

Ad Amicum.



LUCÆ, MDCCXVII.

---

*Typis Marescandoli. Superiorum Permissu.*

Ex Legato V. Equite Romano  
Francisci Marmij.



II—<sup>3</sup>  
DE JOANNIS JACOBI  
SCARFANTONII  
CANONICI PISTORIENSIS  
*DISSERTATIONE*  
J U D I C I U M

Lelij Herculis Paullinij Sac. Theol.  
Professoris .

Ad Amicum .

**S**I quod semel, atque iterum tuis jucundissimis à me Literis postulasti de Joannis Jacobi Scarfantonii doctissimi Viri Dissertatione judicium tandiù referre ad te distuli, nolo ego aut grato parum plurimis in me pro beneficiis collatis animo, aut varijs etiam, crebrisque meis, quibus propè totus distringor studiis, id tribuendum existimes. Neque enim promerita, quibus me tibi arctissime devinxisti, cognovi unquam posse à me ulla oblivione præteriri, neque studiorum meorum rationem video, quamquam urgentissimam, diei noctisque tantum arripere, ut

4  
fatis mihi esse temporis non possit implendi ,  
quæ tibi Viro præclarissimo requirenti dene-  
gare non jure debeo . Quod ergo ferius quam ,  
& ipse habuerim animo de Scarfantomani Li-  
belli nervis , momentisque rescribam ea in ca-  
usa vox fuit , quæ apud hujus rei conscios pu-  
blico sermone diffundebatur , quæque pluri-  
morum comprobata fide ad me venerat esse  
peritissimos nostræ Civitatis aliquos , qui per  
otium tam librandam Dissertationem accepis-  
sent , ac ejusdem prælo committendam brevi  
censuram pollicerentur . Hanc missurus ad te  
protinus ac publici juris fieret in diem expe-  
ctabam , immò cupiebam etiam , cum , quod  
imperio , votisque tuis doctissimi alicujus la-  
bore satius responsurum me , quam permodici  
ingenij mei officiis intelligebam , tum , quod  
cura liberarer , mihi quidem molestissima , eo-  
cum homine contendendi , quem propter san-  
ctissimos ejus mores , perspectamque summam  
doctrinam certatim ego tecum observo . Sed  
frustra est expectatum : Nam Opusculum unū ,  
quo doctè fatis illa Dissertatio lacebatur ,  
prodiisse quidem audiui ; Quoniam verò mul-  
to scateret felle , facetiisque optimum Disser-  
tationis Auctorem acriter perfringeret , eo-  
rum qui forte viderant prudentissimo consilio  
suppressum est unà cum voce futuri ulterioris  
ad Dissertationem responsi . Concidente au-  
tem penitus ea spe , cui ego tandiù nixus fidē  
apud

apud te meam liberare posse arbitrabar , pro-  
missionis meæ mora in longius necesse est pro-  
traheretur , quum quod alterius peritioris in-  
genio elaboratum perfectumque jam deberet  
esse , id meo studio inchoari nunc oporteat ,  
& per ejus intervalla temporis , quod , à gra-  
vioribus dimissus , habebo , reliquum consum-  
mari . Deesse itaque ne videar tibi , qui , et  
amicitia , & beneficiis , & dignitate apud me  
plurimum potes , meam de Placitis laudatæ  
Dissertationis sententiam , & quidem non ti-  
midè aperiā (dicere fidenter enim quæ mea,  
quæ recta esse sentio non vereor ) parcè ta-  
men , cautèque , ut simul ac obstantia rejece-  
ro , amplitudinis , & dignitatis Auctoris sui  
habita ratio esse intelligatur .

Antequam verò eum ad Articulum veniam,  
qui est proprius nostræ quæstionis , priori hoc  
loco , ut persæpè scripsisti , cupis tuo ex animo  
vellam scrupulum , tibi que causam significem ,  
ob quam puto ego , Reverendissimum Differ-  
tationis Auctorem de ipsa , qua sibi pergendū  
erat , via tam immodicè declinasse , ut toto  
sex paginarum decursu probet : *Episcopis fas  
non esse acquiescere simplici , sive generali asser-  
tioni Regularium , quod ipsi fruantur privile-  
gio , sive Apostolico indulto , sed eisdem Episco-  
pis debere integraliter exhiberi ; ad hoc ut con-  
trà jam , quæ jure communi sancita sunt , possint  
operari .* Nonne , inquis tu , differendum sibi

tantummodo proposuerat, ut frons ipsa, sui Libelli testatur: *An cuncti Regulares fruantur privilegio, ut initiari possint extra tempora à Jure statuta ad Sacros Ordines?* Cur ergo à cōstituto scopo divertit, ac se se totum exercet, ut sevo letihalis criminis vinculo sacras Episcoporum omnium manus liget, nè possint quidquam juxta Regularium privilegiorum tenorem agere nisi Regulares ipsos palam sua ostendere privilegia coegerint?

Hæc tamen quæ adscita putas tū, & extra-  
ria ego non abs re credebam, sed jure inserta  
esse Libello: Quod ex Cisterciensium Ordine  
Monachum, qui ab Illustriss., & Reverendiss.  
Ecclesiæ Pistoriensis Episcopo promoveri ad  
Sacerdotium extra tempora postulabat; eidē  
præclarissimo Antistiti, ea de re petenti sibi  
privilegium ostendi, restituisse arbitrabar; sed  
postquam contigit, à viris probatissimis acce-  
pisse, laudatum Monachum alteri, à quo  
tandem est, ut rogabat, Sacerdotio extrà  
tempora initiatus, privilegium hujusmodi  
spontè, suaque voluntate non legendum mo-  
do, verum etiam lance accuratissima perpen-  
dendum obtulisse, in quam veneram, de sub-  
orto cum Antistite Pistoriensi dissidio, suspi-  
cionem deposui, quin aliud mihi, quod caus-  
sam prædictæ digressionis habere possim, oc-  
currerit. Scio quosdam nefariè, ac maleficio-  
sè ariolantes submurmurare, id eo fine adie-  
ctum

7

Cum ab auctore Dissertationis, ut qui consul-  
 tatione sua Pistorij Monachum à Sacerdotio  
 repulsum voluit, Illustriss. & Reverendiss.  
 ejusdem Monachi promotorem, quod videret  
 consilium non esse suum, sententiamque sequi-  
 tum, violati Canonis labe respergeret, et hoc  
 non incallide ultionis telo configeret. Sed ab-  
 sit hæc, quæ tam aliena, tam remota video  
 esse ab ingenio, sanctisque moribus hominis  
 honestissimi, atque inter præclariora urbis sue  
 ornamenta, virtutum penè omnium colloca-  
 ti manibus, credam ego, cui mansuetudo ejus  
 singularis, & lenitas perinde perspecta est, ac  
 si meis hisce oculis illam contrectarem. Qua-  
 re id, de quo nisi divinando dicere possumus,  
 rogo desinas ulterius investigare, atque me-  
 cum potius convertas animum ad priorem  
 ejus positionem expendendam; quæ vult, Epi-  
 scopis fas non esse acquiescere simplici, sive  
 generali assertioni Regularium privilegio ali-  
 quo attestantium se frui, sed exigere ab eis  
 debere, ut privilegium ipsum exhibeant.  
 Neque hanc etiam nostræ discussionis ad librâ  
 volo ea ex parte vocemus, qua negat fidem  
 Regularium assertionibus esse habendam. Id  
 enim refellit satis, et improbat gravissima, et  
 nulla unquam iniuria temporum lædenda Fe-  
 lini auctoritas, qui *Consil. 6. sub num. 3.* tanti  
 habendum testimonium Religiosorum existi-  
 mat, ut illi *refrugari hæreticum esse dixerit,*

& putet non carere scrupulo occulta malignitatis. Ergo hæc missa facio; & ad argumenta illa transeo, quibus probare nititur, Episcopis non licere privilegia Regularium admittere, nisi ostenderint.

Id, inquit, probat textus apertissimus in *l. unic. C. de mand. Princip.*, cui consonat *tex. in cap. cum in jure peritus. De Off. & potest. jud. deleg.* & melius *tex. in cap. Porro de privil. ibique Gloss. in v. ex inspectione*, & luculenter in his terminis *Frances in Pastoral. regular. p. 2. q. 3. nu. 1. ad 13.*, & ferè per totam.

Sanè Frances luculentissimè dictam Quæst. 3. expendit, sed in his terminis loqui ne credas; Quandoquidem, aliud est Episcopos nō teneri privilegia Regularium admittere quousque illa exhibuerint; aliud vero admittere illa non posse nisi post integram probationem. Primum est quod tradit Frances, & probant textus adducti, ac præsertim *Cap. cum in Jure peritus*, ibi, *nisi de mandato Sedis Apostolicę certus extiteris exequi non cogeris, quod mandatur.* Quæ verba ponderans Abb. *ibi nu. 4.* de communi D.D. ait, quod si *ordinarius non curat certificari de mandato, potest exequi, quum non dicat textus non potest exequi, sed non cogitur.* Idipsum pariter firmat, & non aliud, ab eo relatum *pag. 15. Sac. Cōgreg. Concilij Decretum a S. Mem. Innoc. XI. Alias Innoc. X. ut rectè Frances l. c. producit*

diit enim an. 1648. non 1678., vid. Tondut. de  
 prævent. par. 3. cap. 3. nu. 3. Pàsserin. de Stat.  
 tom. 2. qu. 187. art. 1. nu. 163. Bullar. tom. 5.  
 pag. 498. confirmatum, ubi dicitur: Ordinari-  
 os non teneri huiusmodi assertioni fidem habere  
 absque integrali privilegiorum exhibitione.  
 Verùm, quod Episcopi tuta conscientia non  
 possint juxta Regularium Indulta operari, nisi  
 plenam eorundem privilegiorum probationem  
 exegerint, quod est assertum D. Scarfantonij,  
 neque allegata Jura probant, ( nisi forsitan  
 in casu, quod privilegij vel rescripti certam  
 habere notitiam alia via non possint, quo sen-  
 su loqui videntur Imperatores in d. l. 1. C. de  
 mand. Princ., ibi: si quis asserat cum mandatis  
 nostris secretis se venisse, & Pontifices in d.  
 cap. cum in jure peritus, & cit. cap. Porro de  
 privil., et cap. cum persone eod. tit. in 6. ) ne-  
 que laudatus Frances uno etiam verbo indica-  
 vit, immò non poterat vir doctissimus indi-  
 care; Nam si Episcopis privatim, & aliun-  
 de privilegiorum quantumvis Jure comuni  
 contrariorum, sit scientia, illorum, & posse  
 usum permittere, & juxta illa operari non est  
 ambigendum. Cujus inconcussa ratio est: quia  
 notitia sufficiens ipsi privilegiato, ut licite  
 possit uti suo privilegio, eadem per se sufficit  
 aliis, ne illius usum impédiant, ut docet Ca-  
 stropal. trac. 3. disp. 4. princ. 3. §. 2. nu. 1. Ut  
 vero quilibet privilegio suo licite possit uti,  
 satis

satis est , vel quod ipse sciat privilegium habere *Abbas in Clement. Dudum prop. fin. de sepult. Felin. conf. 6. nu. 3. & 4. Gonzal. in cap. Porro v. inspectione de privil.* ; Vel quod privilegium viderit signatum alicujus Prælati manu , vel Notarij , aut Generalis Ordinis sigillo munitum , ut ex indulto Leonis X. , & Julii II. docent *Jo. della Crux lib. 2. cap. 1. Dub. 2, concl. 3. Navar. consil. 1. de privil. Eordon. tom. 2. resol. 52. num. 52. Portell. de dub. regul. v. privilegium nu. 2. Anton. a Sp. Sanc. trac. 1. Direct. Regul. disp. 1. sect. 1. n. 3.* , Vel tandem quod privilegium typis excussum legerit sive in simplici papyro , sive insertum Bullario aliquo , aut probati alicujus auctoris libro , ut fusè probat *Eordon. loc. cit.* , et decisum per *Ret. in Statel. de Salu. interdic. decis. 103. nu. 10.* testatur *Naldus v. privilegium nu. 6.* Quocunque igitur ex his modis certior factus Episcopus de privilegiis Regularium , potest illorum usum tuta conscientia permittere , & juxta illorum tenorem licitè operari quin ad ea exhibenda Regulares cogere teneatur . Etenim in foro conscientie , in quo non agitur de probanda gratia , rei tantum veritas attenditur *Cap. Inquisitioni de Sent. Excom.* , nō positivī juris rigor . *Innoc. in cap. plerique . de immun. Eccles. et in cap. Quia propter de Elec. Felin. d. conf. 6. nu. 3.*

Ex quibus, cognoscere te non dubito exaggera-



generationis plurimum habere quod scripsit pag. 15. , nempe asserta generatim a se de privilegiis ab Episcopis non admittendis , nullam continere difficultatem , quum non modo difficultatem , verum etiam liquido falsitatis in nucleo vermem continere aperuerim .

Mox reliquum est videamus , an ipsius idē assertum reddatur , ut subiungit , in qua versamur Hypotesi , manifestum ob geminatas resolutiones Sacre Congreg. Concilii . Proposito enim dubio in Senen. 2. Maij 1669. *An Regulares cuncti indistinctè foveant privilegium aliquod , ut promoveri possint ad sacros Ordines extra tempora à Jure statuta diebus festivis per Annum ?* Sac. Congr. respondit. *Dilata. Et interim Archiepiscopus abstineat , donec exhibeantur sufficientia privilegia.* Et in Assisien. 23. Ianuarij 1706. propositis dubiis , primo : *An Episcopus potuerit Ordines extra tempora regularibus conferre ? Et quatenus negativè .* Secundo : *An , & in quas penas Ordinati inciderint .* Eadem Sac. Congreg. respondit : *Dilata . Et scribatur Episcopo , quod se abstineat , donec exhibeantur privilegia Regularium .* Ergo Episcopis interdicta est Ordinum sacrorum collatio Regularibus extra tempora , nisi ea de re sufficiens privilegium exhibeant : sunt enim decreta hæc concepta verbis imperativis , & præceptum importantibus nempe *abstineat .* Veruntamen hæc nullatenus obstare cognoscet

sces primum, si observes, bifariam posse intelligi Verbum aliquod esse imperativum. Primo, si ex vi sue, ac nativæ significationis præceptum enunciet, ut sunt verba *Præcipio, Impero, Jubeo &c.* Secundo, illud imperativum appellatur, quod significatione sua præceptū licet non enunciet, sed indiscriminatim jungi possit et cum præcepto, & cum consilio, atamen imperativè profertur, ut *facite, solvite, abstineant*. Imperativa primi generis involvere præceptum pene omnes DD. consentiunt; sed quum verbum *abstineo* hujus non sit generis, colligere non licet, Decretum, quod illo constat, esse verbis imperativis conceptum in eo sensu, quod præceptum importent; sed solum verbis indifferentibus imperative prolatis. Hujusmodi autem verba quantumvis imperativè, dummodo absolutè proferantur, præceptum non involvere docent *Alfons de Castro lib. 1. de potest. leg. penal. cap. 5. docum. 4. Summa Corona par. 1. cap. 1. nu. 33. concl. 4. Michael Salon tom. 2. Quest. 77. art. 1. Contr. 8. Caiet. 2.2. quæst. 166. art. 9. ad 1., Carbon. de legib. lib. 7. disp. 4. ad fin. Navar. in sum. cap. 23. a nu. 48. Emman. Sd v. lex num. 6. & hanc esse comunem sententiam cōtra Panorm. in Cap. vestra not. 2. de cohab. Cleric. & Mul., testatur Sairus lib. 3. Cla. Reg. cap. 7. nu. 26. Quum ergo in præsentia verbum *abstineat* insertum sit absolutè decreto, præceptum sub*

mor-

mortali saltem obligans importare negandum est.

Hujus doctrinæ fundamentum auget consideratio, quod rescriptum illud est datum Episcopis, quibus ob eximiam dignitatem, non ita facile judicandum est, Sacram Congregationem præcepta mittere. Episcopi enim Apostolorum successores pari quodam consortio cum D. Petro, ac ejus successoribus honorem, & potestatem acceperunt, *Can. in novo 21. Dist.* Ideoque Summus ipse Romanus Pontifex, eis rescribens, appellat Fratres, quasi æquales, ut adnotavit *Barbosa de Off. et potest. Episc. par. 1. tit. 1. cap. 2. num. 10. Gonzal. in cap. ex parte de Off. & potest. Jud. deleg. nu. 2. & fusius in cap. quum gravi de crim. fal.* Quæ proximè dictis addita efficiunt, ut saltem in dubio simus, an hoc loco verbum *abstineat* præceptum involvat, nec ne; In casu autem dubio, num verba præceptum, vel consilium importent, reputanda sunt exhortationem duntaxat includere, ut docent *Castro lib. 1. de leg. pænal. cap. 5. doc. 4. Sanchez lib. 6. Decal. cap. 4. nu. 27. & 66. Castropal. tract. 1. disp. 3. pun. 7.* quia semper in dubio, et in pænis benignior facienda est interpretatio *l. interpretatione, & l. si præsens ff. de pænis cap. in pæna de Reg. Juris in 6.*

Deinde, licet adducta sac. Cong. decreta præceptum includere permetteremus, ejus tamen

men præcepti vinculum ad omnes alios Episcopos universim se se porrigere, Reverendissimo Dissertationis Auctori fidenter nego. Immo nescire me fateor ( quod tamen in tenuitatem ingenii mei volo referas ) qua ratione fretus dicere potuerit, huiusmodi Sac. Cong. *Resolutiones emanasse pro decisione Articuli in abstracto*. Etenim peto ego, quinam fuerat articulus Sac. Congregationi propositus? Nonne in d. Senen. An Regulares cuncti fruantur indistinctè privilegio aliquo, ut promoveri possint ad Sacros Ordines extra tempora à iure statuta? Nonnè pariter in Assisiens. An Episcopus potuerit Ordines extra tempora Regularibus conferre &c. At Sac. Congreg. quid his respondit? *Dilata*. Vereor ne rectè satis de hoc verbo dilata sentiam. Dic tu quæso, quum Sac. Cong. ità rescribit, quid illa enunciat aliud, nisi se propositi articuli decisionem distulisse, & adhuc velle in suspenso? Alterà quoque decreti partem prodiisse quis dicet pro articuli decisione, quum in ea nihil de prædictorum privilegiorum existentia, vel nò existentia respondeat, sed solummodo rescribendum Archiepiscopo Senen., et Assisien. Episcopo, ut interim abstineant, donec exhibeantur privilegia? Neutra ergo decreti pars emanavit pro decisione articuli; sed prima declaravit Sac. Congregatio resolutionem articuli distulisse; secunda verò, eis, qui de præ-

prædictorum privilegiorum existentia, ut est  
 in quæsito, & tradit Monacell. *part. 1. Tit.*  
*13. pag. 120. nu. 37.* ambigebant, rescribit; à  
 collatione sacrorum ordinum extra tempora  
 abstineant, quasi admonens eos juris naturalis,  
 quo tenetur quilibet in dubio, contra jus com-  
 mune non operari *Cap. Juvenis de Sponsul. &*  
*Matrim. Can. sicut. 14. Dist.* Atque nanc esse  
 mentem Sac. Congreg. ejusdem responsi verba  
 demonstrant, quibus absolute non dicitur  
*abstineat, sed interim donec exhibeantur privi-*  
*legia,* quorum scilicet discussione dubitatio  
 deponatur. Quam ob rem si quod est in lauda-  
 tis responsis præceptum, illud non extendi  
 constat, nisi ad eos, qui de prædictis privile-  
 giis dubitant; Ubi enim ratio et finis legis nõ  
 militat, nec legis dispositio militare debet  
*l. 33. ff. de pactis. l. fin. ff. de hered. instit.,*  
*Navarr. cons. 23. nu. 5. de sent. Excom., Do-*  
*nat. prax. Regul. tom. 2. part. 2. tract. 4. quæst.*  
*39. n. 11. Zacch. de Salar. quæst. 6. nu. 17. Mo-*  
*nacell. tom. 2. pag. 226. nu. 12.*

Neque hinc inferas volo, Episcopos illos,  
 qui hoc in dubio versantur, teneri cogere Re-  
 gulares ad sua privilegia exhibenda: Nam ut  
 superius dictum est, sufficit, ut quocunque alio  
 modo Episcopus de privilegio certioretur, &  
 dubitationem excutiat. Sac. enim Cong. non  
 aliud velle videtur, quam hæsitazione illa,  
 siue dubio perseverante, à Sacrorum Ordinum  
 colla-

collatione abstineant, quæ cum sit ratio prohibitionis attendenda est potius, quam verba *l. cum pater §. dulcissimis ff. de legat. 2. l. scire §. aliud ff. de excusat. tutor.*, Marian. Soccin. *consil. 35. colum. 2. ver. & quamvis lib. 1. quem refert Tusc. litt. R. concl. 31. num. 16. Menoch. consil. 998. nu. 13. quia dictum per rationem explicatur, & limitatur l. unum ex familia §. fin. ff. de legat. 2. l. si is qui animo ff. de acquir. poss. Jason. in l. id quod num. 7. ff. de legat. 1. Surd. *conf. 67. n. 20. Rot. dec. 10. n. 2. apud Farinac. par. 1. recent.**

Quinimò abs re dictum non censerem, laudata decreta vim præceptivam, si quam continent, non extendisse, nisi tantum ad duos illos Antistites, quibus missa fuerunt; Ut enim decretum pro uno casu determinando emanatum omnes alios, qui sub eadem ratione continentur, comprehendat, debet esse verbis generalibus conceptum, ut innuit *Rot. in Romana pension. cor. Emin. Priolo, post Monacell. tom. 2. dec. 30. num. 5. ver. talis autem.* Quia si non generalibus, sed particularibus verbis conceptum fuerit, habet rationem legis privatæ, quæ particularibus tantum personis indicitur, quæque ob rationis identitatem ad alios, præterquam ad eos, quibus statuta est, non extenditur, ut ex *Can. hinc est. 39. ver. quod privilegium 17. q. 1. & Can. non exemplo 26. q. 2. docet Gonzal. in cap. 9. de privil.*

*privil. nu. 6. et Salas, Suarez, Bonac. aliisque citatis, Castropal. tract. 3. disp. 3. punc. 13. nu. 1.* Quum ergo, de quibus loquimur, decreta, non generalibus verbis, sed particularibus concepta sint, nempe *scribatur Episcopo, quòd abstineat*, non incongruè deduci potest, ea vim habuisse ligandi solum prænominatos duos Præsules, et non alios.

Quæ, ut uberius explicem, & obiectionem hinc subnascentem præfocem, & elidam, animadverto, aliud esse loqui de præcepto juris naturalis, quo prohibemur in dubio aliquid contra jus commune operari; aliud vero loqui de præcepto humano, quo Sacra Cong. Senensi Archiep. et Assisiensi Præsuli jussit ab Ordinum collatione, præfato stante dubio, abstinere. Primo obligantur quidem omnes, eoque universim ante prædictorum etiam decretorum emanationem, Ordines in dubio nõ conferre contra communis juris dispositionem obligabantur; Secundo autem, dato, quod prædictis responsis insit, non nisi prædictos duos Præsules ligari censeo, rationis identitate non obstante, ut probatum relinquo.

Nec obest doctrina *D. Fagnan. in cap. Quoniam num. 66. de constit.*, quam pro se refert Auctor differt. *pag. 18.* loquitur enim ibi Fagn. de Sac. Congregationis Concilij decretis pro declaratione, & interpretatione Sac. Concil. Trident. emanatis, quæ, quum aliquid diver-

sum

sum non sint ab eodem Concilio , sed velut  
 ejusdem Concilii nucleus , ut eleganter , &  
 nervose probat *num. 14. & seqq.* , non est mi-  
 rum si tam latè suam obligandi vim preten-  
 dunt , quam ipsum Concilium , tametli fue-  
 rint ad consultationem edita Episcoporum in  
 aliquo speciali casu . Et hoc idem est quod af-  
 firmat Rot. in d. *Romana pensio.* , quæ ut ge-  
 nerale ostendat decretum , de quo ibi est ser-  
 mo , tam reddit rationem , quod Sac. Con-  
 greg. illud pronunciarit explicando sensum  
 conciliaris dispositionis in *Cap. 13. Sess. 24. de*  
*Reform.* ; Disparem autem valde rationem esse  
 in nostro casu est manifestum ; Nam decreta,  
 de quibus loquimur , ab articuli decisione pe-  
 nitus quum abstineant , nullam concilii decla-  
 rationem continent , sed responsum verbis  
 particularibus conceptum , ad quod mitten-  
 dum Senensi primum , & Assisen. deinde An-  
 tistiti mota est Sacra Congreg. , ut dubitanti-  
 bus de prædicto privilegio inculcaret obser-  
 vantiam naturalis præcepti , quo cavetur , in  
 dubio non esse contra jus commune operandû;  
 cujus generis rescripta vim universalis legis  
 non habere , cum *Suarez. 3. de legib. cap. 15.*  
*aliisque docet Castropal. tract. 3. de legib. Disp.*  
*1. punc. 8. nu. 6.*

His , quum D. Dissertationis Auctorem à  
 via motæ controversiæ procul discurrentem  
 satis hucusque simus persequuti , eidem ad suæ  
 argu-



argumentum Quæstionis redeunti necesse est occurramus . Primum itaque illa oppugnat privilegia , quæ pro Sacris Ordinibus extratempora suscipiendis Summi Pontifices quibusdam Regularibus indulserunt, nempe Casinenſibus Eugenius III. et FF. S. Hieronymi Alexand. III., ut refertur in *Compend. privileg. mendic. tit. Ordines Sacri* §. 8. & §. fin. Hæc ergo penitus, vult concidisse, utpotè per Sac. Concil. Trident. abrogata *Seß. 23. Cap. 8. de Reform.* illis verbis: *Ordinationes Sacrorum Ordinum statutis à jure temporibus publice celebrentur* ; ut communiter , inquit, docent Barbosa *de potest. Episc. allegat. 7. num. 6.* , & collect. *ad Concil. cap. 8. sess. 23. nu. 5.* Miranda in *Manual. Prælat. tomis quæst. 38. art. 4. Ricc. dec. 93. nu. 6. par. 4. Ventrig. in prax. annot. 44. §. unic. nu. 12. p. 1. Matthæucc. in Official. Cur. Regul. tom. 2. Cap. 13. nu. 3.*

Ego vero affirmare quamquam non audeo, eam communem esse sententiam, quæ adducta Concilii verba negat, Eugenij, & Alexandri privilegia confixisse, attamen, & ob Doctorum longe majorem in ea conspirantium numerum, & ob rationum, quibus firmatur, momentum dico veriorē adjudicandam . Eidē namque adhærent *Eman. Roderic. tom. 3. quæst. 23. art. 5. Monet. de commut. ultim. volunt. Cap. 10. nu. 148. Homobon. de examin. Eccles. tract. 2. cap. 1. quæst. 13. Portell. de dub. Regul. v.*

*Ordines Sacri* nu. 4. *Novarius in Lucas Regul.*  
*v. Ordines* nu. 10. *Donatus in prax. de Regul.*  
*promov. ad Ord. trac. 3. quæst. 26. Diana part.*  
*3. tract. 2. de dub. Regul. resol. 31. Joann. de la*  
*Crux lib. 2. cap. 3. dub. 6. Hieron. Roderic. in*  
*compend. quæst. 106. nu. 7. Passerinus de stat.*  
*tom. 3. quæst. 189. Villalobos trac. 3. de Ord.*  
*diffic. 12. in fin. & diffic. 13. num. 6. Castropal.*  
*trac. 27. Disp. unic. punc. 13. nu. 13. Sannig. de*  
*temp. ordinat. cap. 5. nu. 2. Basseus tom. 1. florū*  
*Theolog. v. Ordo 4. nu. 5. Marchin. de Sacram.*  
*ord. par. 1. cap. 7. nu. 1. Herinex par. 4. sum.*  
*Theol. disp. 10. de sacram. ord. nu. 8. Pax-Jor-*  
*dan. lib. 3. tit. 6. de sacram. ord. n. 418. & 428.*

Ratio verò , cui sententia hæc innititur ,  
 est ; quia Sacra Trident. Synodus verbis supra  
 relatis generaliter loquitur , nullam adiiciens  
 clausulam privilegiorum derogatoriam , nec  
 in genere , nec in specie , ut est legentibus in  
 aperto ; Lex autem generaliter loquens nō ab-  
 rogat privilegium ea super re jam concessum ,  
 de qua lex generaliter disponit , ut docent  
*Bartol. sup. const. ad reprimendum §. Legibus*  
*nu. 11. Jason in l. 1. nu. 9. ff. solut. matr. , Decius*  
*in Reg. in toto Jure nu. 8. ff. de reg. jur. Felin.*  
*in cap. 1. nu. 10. de rescrip. Oldrad. consil. 266.*  
*Mellis in Rep. ver. privilegium insertum Anton.*  
*Gabr. de legib. concl. 1. nu. 3. Mandos. reg. 4.*  
*Cancell. quæst. 7. nu. 5. Anast. Germon. de indulg.*  
*Cardin. §. per quem sublati nu. 69. & 73. Bar-*  
*bos.*

*bof. in l. 1. ff. folut. matrim. par. 1. nu. 5. Archi-  
 diac. in Can. renovantes num. 6. 22. dist. Card.  
 conf. 16. in fin. Gloss. in Cap. 1. & Cap. nennulli  
 de rescrip. & in l. 3. C. de Silentiar. et decurion.  
 Castropal. tract. 3. disp. 4. punc. 21. §. 4. n. 10.  
 Salas. disp. 17. Sect. 14. nu. 47. Bonacc. disp. 1.  
 quæst. 3. punc. 8. §. 3. num. 15. Basilius lib. 8.  
 Cap. 19. Suarez. de relig. lib. 8. cap. 39. nu. 2.  
 Martinez lib. 5. recompil. tit. 11. l. 8. gloss. 12.  
 nu. 6. & 7. Ideoque indultum quo fruuntur PP.  
 Congregat. Oratorii Neapolis, & Urbis, ut  
 promoveri possint ad quoscumque Ordines ab  
 Episcopis, in quorum diæcesi habent domi-  
 cilium absque dimissoriis litteris Episcopi  
 originis non fuisse abrogatum per constitutio-  
 nem S. M. Innoc. XII. *Speculatores* 1694. ob-  
 servat *Monacell. tom. 2. tit. 13. n. 41. pag. 121.*  
 Quia lex generalis, inquit, comprehendere  
 numquam censetur casum privilegiatum per  
*tex. in cap. cum ordinem; & Cap. Abbatem 40.*  
*ubi Gloss. v. per litteras. de rescriptis. Gonzal.*  
*ad reg. 8. Cancell. gloss. 9. §. 2. nu. 6. Rot. corā*  
*Peutinger decis. 354. nu. 10.**

Idipsum in terminis Concilii Tridentini  
 prædicta verborum generalitate loquentis do-  
 cent *Nicol. Garzias de Benef. part. 3. cap. 2.*  
*nu. 259. Anast. Germon. loc. sup. cit. Eman. Ro-*  
*der. tom. 1. qq. regul. quæst. 8. art. 6. Suar. lib.*  
*8. de legib. cap. 18. nu. 17. Martinez. de Prado*  
*de privil. cap. 5. quæst. 5. n. 28. Portell. v. pri-*

*vileg. confirm. nu. 31. Hieron. Roderic. resol.*  
*116. nu. 14. Joan. de la Crux lib. 2. cap. 3. dub.*  
*6. concl. 1. §. in prædictis. Lezzan. tom. 2. cap.*  
*15. num. 18., & tom. 3. ver. Clausula. Hieron.*  
*Garzias in Polit. Reg. tract. 8. difficul. 1. dub.*  
*5. nu. 5. & probant l. quia ubi Concilium vult*  
*privilegijs derogare, id exprimit saltem in ge-*  
*nere, ut in plerisque decretis videre est, præ-*  
*sertim cap. 11. Sess. 24. quapropter ubi nullam*  
*derogatoriam apponit censetur derogare no-*  
*luisse arg. l. unic. §. ubi autem legatarij in fin. C.*  
*de caduc. tollend. II. quia hac de re Sac. Cong.*  
*requisita respondit, Concilium non derogare*  
*privilegijs Apostolicis, nisi de his faciat ex-*  
*pressam mentionem, ut referunt Germon. ubi*  
*sup. et Nicol. Garzias loc. cit. nu. 260. III. quia*  
*eadem Sac. Cong. referente Garz. ibidem, in-*  
*terrogata: Num indultum Leonis X. tribuens*  
*Præposito, & Canonicis S. Mariæ della Scala*  
*vacationem duorum mensium contra foundationem*  
*Ecclesiæ intelligatur sublatum per dispositionem*  
*Concilij Cap. 12. Sess. 26., ubi vult salvas esse*  
*constitutiones Ecclesiarum, quæ longius servitii*  
*tempus requirunt: Die 22. Decemb. 1585.*  
*Respondit, per hoc decretum non esse derogatū*  
*privilegijs Apostolicis, cum expresse non dero-*  
*get indultis. IV. quia Sac. Concil. Congreg.*  
*specificè interpellata, nūm d. decreto cap. 8. Sess.*  
*23. de reform. sublatum fuerit privilegium su-*  
*scipiendi ordines extra tempora; Respondit*  
his

his verbis à *Roderic. tom. 2. Bull. pag. mibi 505.*  
*relatis : Sac. Concilii Congr. censuit , privile-*  
*gium suscipiendi Ordines extra tempora per hoc*  
*decretum non fuisse sublatum .*

Quamobrem neque P. Miranda, neque Bar-  
 bosa, & cæteri, quos pro sua refert sententia  
 D. Adversarius, ac præsertim primus illius  
 opinionis auctor Miranda existimaverunt Cõ-  
 cilium hujusmodi privilegium abrogasse *dict.*  
*cap. 8. Sess. 23. decreto, sed altero, nempe*  
*Cap. 22. de Regul. Sess. 25. ut videre licet apud*  
*laudatum Mirand. d. quæst. 38. art. 4. Præcipit*  
 enim ibi Sancta Synodus omnia, & singula in  
 superioribus decretis contenta observari in  
 omnibus Monasteriis, non obstantibus privi-  
 legiis, ac Mari magno &c. quum ergo, inqui-  
 unt, in superioribus Concilij decretis conti-  
 neatur, Ordinationes Sacrorum Ordinum fi-  
 eri debere statutis à jure temporibus, id ob-  
 servari jubet Concilium etiam à Regularibus,  
 non obstantibus eorum privilegiis;

Verumtamen neque huius argumenti spicu-  
 lis Eugenianum, Alexandrinumque privile-  
 gium adhuc sauciatum, aut læsum video; Nā  
 in d. Concilii Cap. 22. sermonem non esse de  
 his, quæ fuerunt disposita in quibuscumque  
 decretis aliarum omnium superiorum sessio-  
 num, sed tantummodo de contentis in decre-  
 tis superioribus ejusdem *Sessio. 25. de Regul.*  
*et Monial. rectè docent Eman. Roder. d. tom. 1.*

*quæst.* 8. *Passerin. cit. quæst.* 189. *num.* 831. , *Martinez de Prado loc. cit. nu.* 28. *in fin.* , *Nicol. Garzias d. cap.* 2. *num.* 277. , *Navarrus in Manual. cap.* 27. *num.* 190. , & *consil.* 7. *de priv.* *vil. nu.* 19. *Cochier. par.* 2. *quæst.* 54. *num.* 9. Quod probatur et colligitur I. , quia non præcipit Sancta Synodus observari omnia , & singula , quæ in superioribus sessionibus , sed quæ in superioribus decretis continentur , ut accuratè ponderat *Roderic. loc. proximè cit.* , & post eum *Garz.* , *Martin. de Prad.* , *Passerin. ubi sup.* II. quia si Trident. omnia Regularium privilegia , etiam illa , quibus expressè nõ derogavit , generali hoc decreto configere voluisset , in postremo decretorum omnium loco constituisset , quod tamen S. Synodus non fecit , ut bene observat *Castropal. loc. proximè citato §. neque verum* III. Quia nisi consentiant , loutum fuisse Concilium de his , quæ comprehenduntur in decretis solius Sessionis 25. de Regul. , durissimam illis obijcio vorandam absurditatem . Etenim Sacrum Concilium *Cap.* 20. *Sess.* 25. omnia Regularium privilegia concernentia ea , de quibus tunc usque disposuerat , & quibus eo usque non derogaverat , his disertissimis verbis confirmat : *In cæteris omnibus præfatorum Ordinum privilegia , & facultates , quæ ipsorum personas , loca , et jura concernunt , firma sint , & illæsa . Atqui privilegium suscipiendi Ordines extra tempora*

pora

pora ea concernit, quæ sancita fuerant à Concilio ante *cap. 20. Sess. 25.* de hac enim re disposuerat supra *d. cap. 8. Sess. 23.* Ergo, quum hoc privilegium nec in genere, nec in specie ante *d. cap. 20. Sess. 25.* abrogaverit, illud ibidem confirmavit, et voluit firmum esse ac illegsum. Ex quibus duplex Adversariis paratur inextricabilis laqueus, in quorum alterutrum incidant necesse est; unus, quo, vel cogantur concedere dictum privilegium non fuisse revocatum in *Cap. 22. Sess. 25. de Regul.*, vel si hoc velint effugere, alio dicere compellantur, parum sibi constituisse Concilium, illud abrogando privilegium, quod paullo ante confirmaverat, à quo quidem dicto, & majestas Sacri Concilii abhorret, & ratio; nam juris correctio penitus est vitanda *cap. cum expediat 26. cap. cupientes 16. et ibi Gloss. §. quod si per viginti in verb. petere. Cap. constitutio 41. de elect. in 6. et l. unic. C. de inofficios. dotib. Fagnan. in cap. cum dilectus nu. 5. de succ. ab intest., Gemin. conf. 88.*

Hæc fortè intelligens Reverendus Auctor dissertationis, prædictum Alexandri, & Eugenii privilegium, licet à Concilio dixerit revocatum, hac de re tamen congrédi, ac disputare *pag. 25. & 26.* recusans convolat ad SS. Pii IIII. constitutionē *die 24. Februarij 1561.* emanatam, qua, quum expressè abrogentur omnia Regularium privilegia, *in his omnibus*

& singulis in quibus illa statutis, & decretis Concilii Tridentini contrariantur, infert, prædictum privilegium, si non Concilio, Piana tamen cōstitutione fuisse revocatum: hæc enim pro revocatione privilegiorum aliud non exposcit, nisi quod Concilii decretis sint contraria.

Sed postremum hoc Adversariorum refugiū congesti supra DD. multis præcludunt. Sacra enim Congregatio, referentibus *Germonio loc. cit. num. 69. Garz. ubi sup. num. 261.* censuit, *prædict. Pii IV. constitutionem non extendi ultra ea, quæ in Concilio continentur.* Præterea privilegia, quæ à Concilio non sunt revocata, eidem Tridentino non adversantur; Tum quia, ut argumentatur *Germon. d. n. 69.*, ubi Concilium privilegiis non derogat, de privilegiis non vult disponere, ac per consequens illis non opponitur; Tum etiam quia, privilegia, quæ vult Concilium firma esse, & illesa, non sunt Concilio contraria; sed privilegia, quæ Concilium non revocavit, vult firma esse, & illesa *Cap. 20. Sess. 25.* ergo privilegia, quæ Concilium non revocavit non sunt Concilio contraria, et perinde nomine privilegiorum decretis Concilii Tridentini contrariorum illa solum veniunt, quæ ab eodem Sac. Concilio sunt revocata.

Quibus adijcio prædictam Pij IV. constitutionem alio in capite privilegio, de quo loqui-



quimur, non nocere ; illa enim disertè abrogat privilegia, quæ decretis Tridentini contrariantur ; Qua de re, quum à propria verborum significatione recedendum non sit *l. non aliter ff. de legat. 3. l. 1. §. licet ff. de exercitor. action. Cap. penul. de sent. excom.* illa derogari solum censendum est privilegiis contra, non præter jus commune Tridentini, quale, nisi fallor, est indultum suscipiendi ordines extra tempora. Non enim est mera quædam dispensatio solvens Regulares à lege suscipiendi ordines temporibus à jure statutis, sed facultas potius, atque potestas ipsismet Episcopis à Sancta Sede impertita Sacris Ordinibus initiandi extra tempora Regulares, quoties ab eorum Superioribus legitima causa motis ad eos mittuntur, ut ex tenore præcitati Eugen. & Alexand. privilegij colligitur, & expressè docet Gregor. XIII. in Bull. *Pium, & utile. relat. incomp. privil. Societ. Jesu. v. Ordo §. 3.* ibi *Nos enim illis Ordines omnes prædictos sic suscipiendi, ac prædictis Antistitibus eos ipsis conferendi facultatem tribuimus.* Quamvis enim dispensatio ipsa juris communis sit contra jus, quia illud semper vulnerat Silvest. *v. dispensatio nu. 1.* facultas tamen, & potestas concessa ad actum, alias communi jure interdictum, non est contra, sed præter jus, ut docet laudato Consil. 6. nu. 5. & 6. Felin. Sanchez de Matrim. lib. 8. Disp. 2. nu. 1. Castropal. Trac.

3. *Disp.* 4. *punc.* 11. *nu.* 3., *Bonaccin. de legib.*  
*Disp.* 2. *q.* 3. *punc.* 7. §. 2. *nu.* 14. alijque mul-  
tis id rationibus demonstrantes.

Primo quidem, nam potestas, sive facultas dispensandi, si moderatè, ac prudenter exerceatur, maximè conducit ad bonum commune, quod est finis omnium legum, ut docet *S. Tho.* 1. 2. *Quæst.* 90. *art.* 4., ergo prædicta facultas non est contraria legibus, et juri communi.

Secundo, quia Pontifex, hujusmodi facultatem concedens, non intendit principaliter vulnerare jus commune, licet id veniat in consequentiam; sed favore, ac beneficio quodam afficere personas, quibus eam facultatem largitur, vel bono communi specialiter providere; Principale autem intentum, & propositum est semper inspiciendum *l. rogasti in princip.*, *l. si quis ff. si certum petat*, & *l. si quid donationis causa. ff. de contrahen. empt.* Neque his officit potestatem imitari debere naturam actus propter quem ipsa datur, ut tradit *Barthol. in l. constitutionibus num. 1. ff. ad municipal.* quia id procedit quando effectus odiosus est principaliter intentus; non vero quando principaliter intenditur collatio favoris, & beneficii in utilitatem, & commodum communis boni recidentis. Immo ex hac ratione posset etiam inferri, quod facultas, sive potestas quoque in ipso Principe reperitur quandoque relaxandi

xandi jus commune, odiosa sit, et eidem cōmuni juri contraria, quod nemo dicere potest, quum à jure ipso Princeps habeat dispensandi leges facultatem.

Tertio quia privilegium contra jus commune concessum odiosum est, & strictè interpretandum *l. quod contra ff. de legib. l. quæ contra ff. de R. I. Barbosa in l. quia tale d. num. 22. ff. solut. matr., Suarez 8. de leg. cap. 27. & 11. Salas Disp. 17. de leg. Sect. 6. & DD. communiter*; Privilegium autem consistens in facultate non est odiosum, sed merum principis beneficium, et latè interpretandum *Gloss. in cap. hi qui. v. in potestate in fin. 15. q. 8. & in cap. Dudum. v. beneficia de præben. in 6. Federic. conf. 163., Oldrad. conf. 151. Calder. conf. 1. de consanguin., Bartol. l. 2. in princ. n. 2. ff. de verb. oblig., & ibi Bald., Imol. nu. 2., Bartolom. Soccin. nu. 14. Alciat. nu. 48. Alexand. nu. 6., Paulus nu. 4., Angel. num. 2. Jo. Andr. cap. fin. nu. 3. de Simon, & ibi Panorm. nu. 3. & 5., Cardin. in princ. opposit. Anan. num. 8., Felin. concl. 4. & in cap. postulasti nu. 11. limit. 4. de rescrip., Covarruv. in 4. Decret. par. 2. cap. 8. §. 8. n. 6. vers. 8. & nu. 11. Guttier. Quæstionum canonic. lib. 2. cap. 15. nu. 125., atque innumeri alii.*

Quibus omnibus quum appareat, neque dicti cap. 8. Sess. 23. generali dispositione, neque alterius citati cap. 22. Sess. 25. de Regul.,  
revo-

revocatorio indultorum decreto , neque de-  
 num Pii IV. memorata constitutione prædi-  
 ctum Eugenij, & Alexandri privilegium fuis-  
 se læsum , atque sublatum , frui adhuc Regu-  
 lares de Apostolica dignatione impertita sibi  
 facultate suscipiendi Ordines extra tempora ,  
 quin ad alias opus sit rationes , & argumenta  
 venire abunde satis demonstratum videtur .  
 Sed quoniam Auctor Dissertationis hujusce-  
 modi privilegij speciatim concessi à Gregor.  
 XIII. in d. Bull. *Pium & utile* Societati Jesu  
 meminit , illudque ad cæteros Regulares , ac  
 præsertim Crucigeros , & Cistercienses , qui-  
 bus postmodum facta est Societatis Jesu , &  
 cujusvis alterius Religionis privilegiorum co-  
 municatio negat extendi , unam vel alteram  
 adhuc mihi paginam arripio , ut reliqua tan-  
 dem suæ Dissertationis obiecta retegam , &  
 convellam .

Et quidem indultum , de quo loquimur , à  
 Gregorio XIII. Societati Jesu concessum , ali-  
 is quibusdam Ordinibus vi postea comunica-  
 tionis non competere absque ullo valido fun-  
 damento dicitur . Summus enim Pontifex Gre-  
 gor. XIII. anno 1591. apud *Roderic. tom. 1.*  
*Quæst. 55. art. 11.* privilegia Societ. Iesu no-  
 minatim communicavit Crucigeris ; Cur ergo  
 illis omnibus frui ac potiri nos negabimus ?  
 Ob notata , inquit , pag. 31. ex *Reverendiss.*  
*Petra ad constit. 4. Anastasij* , ubi asserit Papæ ,  
 com-

communicando privilegia unius Ord. Regul. alteri, numquam ea communicare, quæ alias sublata fuerant, & alicui ex prædictis ordinibus propter aliquam specialem rationem concessa, nisi id exprimat. At hæc, licet vera essent, ad rem tamen nostram non veniunt. I. quia, ut supra fusè ostensum est, privilegium, de quo agimus, nec Trident. decretis, nec aliqua Summ. Pontificis constitutione unquam sublatum fuit II. Quia Gregor XIII. in Bull. d. communicationis expressè docet, Crucigeris non modo velle communicata Mendicantium, & non Mendicantium ordinum privilegia, sed signanter etiam, & nominatim Societatis Jesu, quod nisi referatur ad illa, quæ sunt d. Societati specialiter concessa, frustra nea esset ejusdem Societatis expressio, nihilque operaretur, contra textum in *cap. si Papa. de privileg. in 6., l. 3. ff. de jurejur. and. l. non dubium C. de leg. Gloss. in cap. solitæ v. tamquã de major. et obedien.* Dicentem, quamlibet etiam sillabam debere suum effectum sortiri. III. quia, ut superius est demonstratum, privilegium suscipiendi Sacros Ordines extratempora, quum sit præter, non contra jus commune concessum, & nemini noceat, venire debet in communicatione privilegiorum Soc. Jesu, quia prædicta communicatio respectu talis privilegii est mera gratia, merumque Principis beneficium amplissimè interpretandum

dum per *tex: in cap. Olim de V.S. cap. cum dilecti. de donation. l. 3. l. beneficium ff. de constit. princip.*

Fælicis etiã recordat. Urbanus VIII. 5. Kal. April. 1634. apud Leandrum tom. 2. tract. 6. disp. 11. Quæst. 34. Patribus Discalceatis SS. Trinitatis omnia Societ. Jesu privilegia nominatim concessit sub his effrenatissimis clausulis: *Quamvis illa sint speciali nota digna, difficilisque concessionis, & quæ in generali concessione non veniunt, non solum per participationem; communicationem, illorum extensionem, & ad illorum instar, sed speciatim, nominatim, pariformiter, & æquè principaliter in omnibus, & per omnia, absque ulla prorsus differentia, perinde, ac si primò illa prædictæ Cõgregationi expressè, et nominatim per viam, et modum simplicis, & individue, ac particularis, et specialis concessionis, etiam motu proprio, & ex certa scientia, ac de Apostolicæ Potestatis plenitudine concessa fuissent.* Quæ omnes clausulæ, ut vides, tricas illas refecant, & disrumpunt, quibus nituntur probare, dictum privilegium Societ. Jesu nullis aliis Ordinibus esse communicatum, nimirum, quia in hujusmodi privilegiorum communicatione non veniunt eæ, quæ sunt speciali nota digna, & difficilis concessionis; Nam expressè illa etiam Societ. Illustrissimæ privilegia, quæ sunt speciali nota digna, quæque sunt difficilis concessionis, atque in generali

rali

rali concessione non veniunt, concedit.

Prò Cisterciensibus verò adest prælaudati Summi Pontif. Gregorii XIII. amplissima Constitutio emanata die 28. Junij 1591. quæ in duplex caput secatur. Horum primo Pontifex d. Ordinis privilegia etiam via communicationis concessa innovat, & confirmat adiecta clausula; modo Concilii Tridentini decretis non adversentur; ut ab innovatione illud excludat privilegium, quo principales quatuor Abbates fruebantur, conferendi Sacros Ordines Subdiac. & Diacon. sibi subiectis Monachis, & alia etiam indulta per Trident. revocata. In secundo autem d. Constit. capite, ea clausula prætermissa, privilegia omnibus aliis Ordinibus, Congregationibus, Conventibus, Collegiis, & Regularibus personis, tam in Urbe, quam in quibuscumque Mundi partibus existentibus, quomodolibet concessa communicat. Hac autem concessione Summum Pontificem voluisse Cisterciensibus communicata, non illa solum, quæ generaliter veniunt, sed propria etiam aliarum Religionum indulta constat; tum quia secundum hujus Constitutionis caput incipit. *Et insuper*; quæ dictio significat diversitatem à præcedentibus *cap. insuper de testibus Vulpell. de præp. et adverb. sub dict. in infinitum*; Geminian. *conf. 44. nu. 2. & venit continuative addendo ad superiora cap. statutum S. insuper de rescrip. in 6., cap. ubi pe-*

C

rich-

*riculum. §. insuper de elect. in 6. ; Rot. in Romana palatii 18. Februar. 1619. cor. Card. Sacrato ; Tum etiam quia Summ. Pontif. id aperit dicendo : Et insuper eosdem amplioribus favoribus condecorare volentes &c. Tum demum quia , postquam habuit Pontifex sermonem de privilegiis omnibus aliis Ordinibus cōcessis , ita subdit : Quorum tenores præsentibus haberi volumus pro expressis , ac de verbo ad verbum insertis , etiam si talia sint , vel forent , quæ specialem , & individuum requirerent mentionem , seu particularem insertionem , illaque omnia , et singula ad dic. Congregationem S. Bernardi perpetuo extendimus , atque communicamus æquè pariformiter , & absque ulla penitus differentia , ac si prò , & in favorem eorundem à S. Sede Apostolica à principio emanassent , & fuissent immediatè concessa .*

Quod si eorum , quæ pag. 29. Dissertationis legisti , memor his occurrere velis dicendo , effectum communicationis , quantumvis generalibus , & effrænatis clausulis conceptæ , ac signanter cum illa , ac si de verbo ad verbum infererentur , non se protendere ad ea , quæ sunt specialitate digna , quale censendum est privilegium à Gregor. XII. Societ. Jesu concessum ; his quidem argumentum non diluis ; nam , etsi concedere vellemus , d. clausulam de verbo ad verbum non operari , ut etiam quæ specialitate digna sunt comprehendantur , id

tamen



tamen in præfenti non habet locum, quia illa clausula juvatur, ac sustinetur per aliam, nempe, etiamsi talia sint, vel forent, quæ specialem, & individuum requirerent mentionem. Ubi enim Pontifex concedit privilegiū, cujus tenorem licet non exprimat, vult tamen haberi pro expresso, ac de verbo ad verbum inserto, etiam si tale sit, quod specialem requirat mentionem, nullus jam superest ambigendi locus, voluisse privilegium quoque illud communicatione concedere, quod est nota speciali dignum; quia, ubi verba sunt clara, cessant coniecturæ *l. continuo ff. de verb. obligat.*, & ulterius non est disputandum, *l. Gallus §. si ejus, & ibi Bald. in 2. notab. ff. de liber. & posthum. Rot. par. 1. Recent. decis. 537. n. 9.*

Præterea, d. clausulam, *ac si de verbo ad verbum infererentur* non comprehendere quæ sunt speciali nota digna, neque verū arbitror, neque mihi probāt illa, quæ doctissimus oppugnator adducit; *Rot. enim in obiecta decis. 8. par. 8. rec:* docet solummodo communicationem privilegiorum illa non comprehendere, quæ de facili concedi non solent, sed præfata clausulæ non meminit. *Butr. vero cit. conf. 19. nu. 9. Natt. conf. 4. nu. 6. Rot. dec. 55. nu. 14. & 15. part. 2. divers. insolita, & difficilis* concessionis asserunt non venire, quamquam communicentur privilegia cum clausula *in omnibus, et per omnia*, de qua idem non est iudicium,

cium, ac de clausula *quorum tenores*, ac si de verbo ad verbum, &c. Quia illa, salva proprietate verborum, intelligi potest cum eorum exceptione, quæ sunt specialitate digna, & concessionis difficilis, ut d. probant Auctores; Verum hoc dici non potest de altera clausula ac si de verbo ad verbum; quia si privilegia, quæ communicantur, revera de verbo ad verbum transcriberentur, illa etiam quæ specialitate digna sunt, & concessionis difficilis exprimerentur, alias non essent de verbo ad verbum inserta; Prædicta autem clausula *quorum tenores ac si de verbo ad verbum*, &c. operatur perinde, at si revera omnia fuissent expressa de verbo ad verbū, *Eutr. cons. 2. in princip. Mobed. dec. 1. de rescrip.*, Gabriel. *post alios de clausul. concl. 5. num. 1.*, & firmavit *Rot. in Albanen. benef. cor. Pirovano dec. 607. nu. 2. & decis. 407. num. 7. par. 3. recent.*

Sed his, inquires non fregisti adhuc tenacissimum clavum, quo Dissertationis Auctor suum hac in re assertum firmavit. Istud enim privilegium à Greg. XIII. Societ. Jesu concessum est cum hac clausula: *Præsentis autem gratiæ communicationem omnibus aliis, etiam qui sua privilegia cum Societate copiosè participant, participareque poterunt, quomodolibet in futurū fieri omnino prohibemus.*

Ergo hæc tu negotium putas faceffere, istamque clausulam existimas illum esse scopulum, cujus offensionem nostra non possit

opinio declinare? Veruntamen Roderic. tom. 1. d. quæst. 55. art. 7. §. at circa. Hieron. Roderic. resol. 116. nu. 50., Jo. de la Crux. lib. 2. cap. 4. §. secundo sequitur, & §. en his patet. Cēlestin. in compend. trac. 8. cap. 15., Dian. par. 3. trac. 2. resol. 78. & 81. & par. 5. tract. 13. resol. 46. Hinnos. verb. confir. privil. §. dubium hoc loco, Mirand. tom. 2. quæst. 46. art. 5. Leand. tom. 3. de decimis trac. 6. Disp. 6. quæst. 34. & 36. & ubi supr. Raph. de la Torre 2. 2. Quæst. 87. disp. 1., Peregrin. apud Dian. d. resol. 78. Escobar. lib. 6. Theolog. moral. cap. 7. n. 85., Philibert. trac. 1. par. 7. num. 1. Layman. trac. 18. cap. 8. nu. 2. Ludov. à S. Joan. quæst. 3. de Ordin. art. 2. dub. 2., Machad. tom. 2. lib. 5. part. 2. trac. 6. docum. 9., Barbof. de Offic. & potest. Episc. allegat. 17. nu. 6. par. 2. Avers. de Ordin. quæst. 3. sect. 9., Præpositi. 3. part. quæst. unic. de Sacram. Ord. dub. 15. n. 150., Fagund. de quinq. præcept. cap. 2. nu. 12., Martinez de Prad. loc. sup. cit., Donat. tom. 1. prax. regul. tract. 7. quæst. 8. novissimè Anaclet. tit. 11. de temporib. ordinat. §. 2. nu. 51., aliosque doctissimos audio viros affirmare illud Societatis privilegium esse ad cæteros Regulares via communicationis extensum, dicta clausula non obstante; quia Pontifex non potest successorem impedire, ne quod ipse uni concessit, aliis quoque successor concedat, atque largiatur; par enim in parem non habet imperium.

perium . cap. innotuit. de Elect.

Ego vero ulterius animadverto , Gregor. XIII. in d. Bulla pro Cisterciensibus derogasse clausulis communicationi obstantibus , his expressis verbis *Quibus omnibus ac si de verbo ad verbum exprimerentur , & infererentur , & non per clausulas generales pro sufficienter expressis , & insertis habentes specialiter , & expressè derogamus .* Per hæc autem verba censi omnes sublatas clausulas resistentes , & derogatorias etiam derogatorias docent ; *Federic. de Sen. conf. 47. nu. 1. Alexand. conf. 7. nu. 7. lib. 4. Jason. conf. 184. col. 3. lib. 2. Paulus de castr. conf. 206. nu. 2. lib. 1. Jo. de Anna conf. 56. nu. 3. , & præsertim accedente clausula pro expressis , Ant. de Butr. conf. 2. Mohed. decis. 1. de rescrip. & ita adiudicavit Rot. in Interamnen. bonor. 5. Maii 1603. dec. 87. num. 4. par. 2. recent.*

Quod si satis hæc esse non putes ad tam arduam elidendam difficultatem , rogo velis legendo excurrere laudatam sæpius Gregorii XIII. Constitutionem favore Cisterciensium editam , & invenies hæc in ea verba : *Non obstantibus quibusvis etiam annullativis , cassativis , infectivis , declarativis , exceptivis , modificativis , mentis attestativis , & etiam communicationis prohibitivis , aliisque efficacioribus , & insolitis clausulis &c.* Audisti Summi Pontificem clarissimis verbis dicentem , se com-

communicare Cisterciensibus privilegia concessa etiam cum clausula communicationis prohibitiva? Quis ergo nisi penitus refracta. rius dicet verba illa: *præsentis autem gratiæ communicationem fieri omnino prohibemus*, impedire communicationem ejusdem gratiæ, quum illis, Pontifex successor explicatè derogaverit & rotundè?

Quum itaque privilegium hoc Societ. Jesu fuerit extensum, atque communicatum Cisterciensibus, et quidem sine illa clausula ulterioris extensionis ad alios Ordines prohibitiva, eo potiri, ac frui cæteros omnes Regulares, qui mutua gaudent privilegiorum communicatione, asserunt fermè omnes Doctores paullò ante relati, quin eorum sententiæ obftet repetita pluries obiectio nempè, generalem communicationem non comprehendere quæ sunt speciali nota digna, qualia esse, non est dubium, illa, quibus Tridentinum, vel aliqua Constitutio Apostolica resistit; Id enim ultrò concedimus, sed constanter negandum dicimus facultatem, de qua loquimur, Sacri Concilii Trident., aut alicujus Apostolicæ Cōstitutionis habere resistantiam, ut supra dictum est, & probatum. Idcirco privilegium hoc, quum non sit ob hoc speciali nota dignū recte dicitur communicatione privilegiorum venire; præsertim, quum non sit contra jus commune, ac noceat nemini, ut supra argumentabamur.

Neque obstat pariter , in concessione facta P.P. Societatis Jesu meminisse Gregoriū XIII. voti , quod dicti P.P. emittunt eundi ad nutum S. Sedis ad Sacras Missiones : quia in Bullis communicationis privilegiorum fit mētio, si non huius , alterius motivi , quod sufficit , ut privilegia communicata intelligantur. Quis enim dicet, gratiam uni ob unam rationem indultam , non posse Principem alteri ob aliam rationem largiri ? Immò , quum huiusmodi communicationes plerumque Summus Pontifex concedat de plenitudine potestatis , non est inquirenda ratio , *Bald. in l. 2. C. de Serv. & acq., & in l. impetratum C. quæ sent. rescind. non possint & in cap. si quis autem, de par. const., Mart. de Clausul. claul. 259. nu. 1. Barbof. ad d. claus.*

Possẽm hac de re , quemadmodum , & in explosionem eorum , quibus vim Apostolicæ privilegiorum confirmationis enervare studeat multa subnectere ; sed quoniam huc spectantia ex dictis concussa jacent , mittendaque tibi pagina satis crevit , ad quasdam postremo loco positas ratiocinationes , quæ velut stirpes arboris jam excisse supersunt , converto falcẽ , uno illas quasi fasce collectas obtruncaturus . Si Regularibus, inquit, universim competeret privilegium , de quo loquimur , inutilis fuisset ejusdem indulti concessio facta Patribus Societatis Jesu, & præsertim cum prohibiti-  
ne ,

ne, ne aliis Ordinibus communicaretur : ut & Minoribus de Observantia restrictè ad eos tantum, qui commorantur in partibus Indiarum Occidentalium per S. M. Urbani VIII. die 30. Junij 1625. Constit. sua : *Cum sicut dilectus* : Quemadmodum & supervacue SS. Innoc. XII. expedito Brevi super moderatione indultorum suscipiendi Ordines extra tempora die 14. Decembris 1693. in eo cavisset, Regularibus ob penuriam Sacerdotum hujusmodi esse Brevia concedenda : Neque denuò Regulares ipsi d. privilegio muniti, eorundè Brevis in diem rogarent expeditionem.

His itaque brevi manu respondetur, Regulares ad Sacros Ecclesiarum Antistites pro suscipiendis Ordinibus extra tempora missis, identidem, ac plerumque repelli, unde non inutiliter aliqui speciale, hac de re privilegium, cui nulla posset obistere contradictio, curaverunt à S. Sede obtinere. Accedit, quod Pontificium privilegium, etsi non sit necessarium, est tamen semper utile, vel pro sedandis conscientiis, vel pro scrupulis extirpandis, ut docent *Pasqualig. de Jejun. quest. 415. nu. 4. Neusser. de hor. Canonic. Disp. II. quest. 3. Suarez lib. 2. de Juram. cap. 15. nu. 8.* Præterea, virentis privilegij confirmatio facta in forma communi, quamquam nihil tribuat novi juris *Cap. 1., & 2. de confirmat. util. vel inut. l. si stipulatus §. verum ff. de usuris.* supervacanea

nea tamen non est *Bald. conf. 23. ver. solutio, Gonzal. in cap. cum dilecta. de confirmat. util. vel inut., Pirhing. eod. tit. §. 1. nu. 3. Zoesius ibid. nu. 2. & DD. ergo multo minus nova, & specifica existentis gratiæ concessio judicanda est inutilis, & superflua. Neque prædicti privilegij limitatio ad solam Jesu Societatem, & ad Minores in Occidentalium Indiarum plaga tantum degentes, probat cæteros Regulares eodem privilegio aliàs non potiri, sed solum Gregor. XIII. & Urbanum VIII. sua speciali, novaque concessione alios universim noluisse comprehensos.*

Ex eo demum, quod S. M. Pontifex Innoc. XII. indixerit expedienda esse Brevia memorata pro Regularibus ea petentibus, non est consequens, aut eorum vetus privilegium cōcidisse, aut speciatim aliis indulto communicationis jure non frui; Decreto enim suo Pontifex non disposuit, Regulares extra tempora non esse ad Ordines, nisi Brevia hæc acceperint, promovendos, sed solum jubet petentibus impertienda. Rectè quidem, ac providenter; nam Episcoporum nonnulli, quum prædictis conferre Ordines vi privilegiorum, ob scrupulos forte recusent, ne Sacerdotum inopia Monasteria laborarent, commune cæteris remedium noluit Pontifex Regularibus denegandum. Quo ex fonte pariter manat ratio propter quam multi Regularium, inimi-

rum,



rum, quibus sua non permittitur privilegia suffragari, ad hæc Brevia convolant, quin illorum iste recursus argumento esse debeat, privilegia perdidisse; Quod enim fit, vel ad vitandas difficultates, vel ad rescandos scrupulos, vel ad bene esse, non arguit defectum facultatis, neque præjudicat, ut resolvit *Rota in Marficen. Jurisd.* 1. Junij 1700. coram *Muto post Monacell. in oper. postb. dec. 4. num. 53.* Immo privilegium, quamquam in aliorum gravamen cedens, per non usum, sive usum contrariū non amitti, si potestas illo utendi nō desit, affirmant comuniter *DD. teste Gonzal. in cap. si de terra. n. 5. in fin. de privil. et colligunt, ex l. voluntariæ. C. de excusat. tut. l. 2. & 3. C. de his quæ spontè, Pirhing. de privil. sec. 6. §. 3. nu. 179., Cassaing. de privil. Regul. cap. 5. prop. 1., Zoesius eod. tit. nu. 35. & 36.*; quod urgentius procedit de privilegio, quod in nullius recidit incommodum, & gravamen, hoc enim longissimi etiam temporis non usu, infirmari nequit, *Glossa in cap. 24. v. Semel. in anno de privil. Suarez lib. 8. cap. 34. nu. 17., Layman. lib. 1. Tract. 4. cap. 23. nu. 22. Pirhing. loc. cit. num. 176. & 183. Castropal. Tract. 3. Disp. 4. punc. 18.*

His, quibus factum puto satis rationibus ad me missæ Dissertationis; effusam plus iusto epistolam claudio; illud tantummodo ego etiam adjiciens præ coronide; quod si hæc de

re

re jamdiù concessa privilegia Conciliorum adversa manu perculsa corruissent, si eadem uni Ordini restituta, via communicationis ad cæteros non refluerent, ac redundarent, si demum Sacræ Congreg. præcepto extra tempora definita Ordines Regularibus cōferre Episcopi prohiberentur, quis quæso esset illorum, qui, quod ea privilegia indulgent, exequi vellet, ac non potius ab ea re penitus abhorreret? Et tamen id passim facere, non modo sapientissimos, verum etiam sanctissimos, ac eximiae vitæ tam multos Præsules scio, ut cumulatam certè si velim possem numerum per censere. Nosti religionis illud, & sanctitatis, virtutumque omnium exemplar Eminentissimum Cardin. Sanvitalium Archiepiscopum Urbinatem. Hic Florentiæ, dum Apostolici Nuncij munere fungeretur, plurimos Regularium extra tempora vi privilegiorum prædictorum Sacris Ordinibus initiavit. Quanta etiam doctrinæ præstantia, vitæque integerimæ, ac morum sanctimonia refulgeat Eminentiss. Cardin. Ursinus Archiepiscopus Beneventanus nemo est, qui in tam alta rerum omnium ignoratione versetur, ut nesciat; & tamen non unum, aut alterum, sed quot quot ad eum, iusta cum causa, convolant Regulares, illorum privilegiis nixus promovere ad Sacros Ordines extra tempora non veretur.

Antu vero argumentum hoc pro asserto,  
pro-

propugnatoque hucusque à me privilegio<sup>45</sup>  
confirmando plurimum sis arbitraturus facere,  
nescio; mihi certè illi virium, illi auctorita-  
tis tantum esse videtur, ut putem ipsius nodū  
abrumperè posse neminem, nisi qui hominum  
sapientissimos, atque sanctissimos, aut igno-  
rantes, aut impios velit. Cætera si quæ  
sunt (erunt fortasse nonnulla) quæ  
tibi parum arrideant, indica  
literis tuis; Neque enim  
mediocriter me ad  
nova opuscula tu  
Lectorhorta-  
ris. Vale.

\*\*\*

**FINIS.**



**D**Octissimi Authoris *Judicium de Joannis Jacobi Scarfantonij Dissertatione*, jubente Reverendis. D.D. Octavio Archidiacono Sardi Illustris., ac Reverendis. D.D. Genesij Calchi Vicario Generali, non exigua animi voluptate perlegi, in eo siquidem nihil solidioris Doctrinæ in probando quod assumit, nihil nervosæ claritatis in solvenda Adversarij argumenta desideravi. Optimū proinde puto, ut Typis publicetur, si ita ijs ad quos pertinet videbitur.

*Constantinus Roncaglia.*

*Cong. Matris Dei.*

## IMPRIMATUR

Octav. Archidiac. Sardi Vic. Gen.

Horatius Donati de Mandato Excellentiss. DD.

7

1041.13

9491078

47

1041.13













MC



